

სახელმწიფო შესყიდვის შესახებ ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად.

წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც წარმოადგენს ხელშეკრულების განუყოფელ ნაწილს

ერთის მხრივ საქართველოს გარემოს დაცვისა და სოფლის მეურნეობის სამინისტროს სსიპ – სურსათის ეროვნული სააგენტო (შემდგომში “შემსყიდველი”) წარმოდგენილი მისი ----- სახით და მეორეს მხრივ ----- (შემდგომში “მიმწოდებელი”) წარმოდგენილი მისი ----- სახით, “სახელმწიფო შესყიდვების შესახებ” საქართველოს კანონისა და ----- სატენდერო წინადადების საფუძველზე, **NAT-----** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.
- 1.3. “დღე”, “კვირა”, “თვე” - კალენდარული დღე, კვირა, თვე.
- 1.4. “მომსახურება” – ხელშეკრულების მე-2 მუხლით გათვალისწინებული ხელშეკრულების საგანი.
- 1.5. “ტექნიკური დავალება” - სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.
- 1.6. “ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ხელშეკრულების საგანს წარმოადგენს დეზინფიცირებასა და შეწამვლასთან დაკავშირებული მომსახურების (CPV 9067000) შესყიდვა გამარტივებული შესყიდვის საშუალებით.
- 2.2. შესყიდული მომსახურება გულისმობს დასავლეთ საქართველოში, ინვაზიური (აზიური ფაროსანა) და სხვა საშიში მავნებლის გავრცელების კერებში, სავარაუდოდ 15 000 ჰექტარ ფართობზე, ქიმიურ წამლობის ჩატარებას სპეციალური აგრეგატის გამოყენებით.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ----- ლარს, ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს (ინსექტიციდის გარდა), მათ შორის ინსექტიციდის ადგილამდე ტრანსპორტირების და აგრეგატის გამართული მუშაობისათვის საჭირო ყველა ხარჯს და საქართველოს კანონმდებლობით გათვალისწინებულ ყველა შესაბამის გადასახადებს.

3.2. ხელშეკრულება ფინანსდება სახელმწიფო პროგრამის - აზიური ფაროსანას წინააღმდეგ გასატარებელი ღონისძიებები - ფარგლებში, სურსათის ეროვნული სააგენტოსათვის, 2022 წლის სახელმწიფო ბიუჯეტიდან გამოყოფილი სახსრებით.

4. მომსახურების გაწევის ვადები, ადგილი და პირობები

- 4.1. მომსახურების გაწევის სავარაუდო ვადებია - 2022 წლის ივლისი - ოქტომბერი;
- 4.2. ქიმიური წამლობა უნდა განხორციელდეს საქართველოს ტერიტორიაზე, ინვაზიური (აზიური ფაროსანა) და სხვა საშიში მავნებლების გავრცელების ადგილებში (ზრდასრული სიმინდის მასივებში), შემსყიდველის მიერ მითითებულ ლოკაციებზე;
- 4.3. მომსახურების გაწევის საჭიროებას - კონკრეტულ ლოკაციებზე წამლობის დაწყებასა და შეწყვეტას - განსაზღვრავს "შემსყიდველი", ინვაზიური (აზიური ფაროსანა) და სხვა საშიში მავნებლების გავრცელების გათვალისწინებით;

5. მიღება-ჩაბარების წესი

- 5.1. ხელშეკრულებით გათვალისწინებული მომსახურების გაწევის დამადასტურებელი დოკუმენტი გაფორმდება თითოეულ ჰექტარზე გაწეული მომსახურების მიხედვით. აღნიშნულის დადგენა მოხდება სამუშაო ნაზავის ხარჯვისა და შემასხურებელი აგრეგატის ტექნიკური მაჩვენებლების გათვალისწინებით;
- 5.2. ყოველ ტერიტორიულ ერთეულზე გატარებული ღონისძიების შემდეგ, მიმწოდებელმა, ხელშეკრულების პირობების შესრულებაზე კონტროლის განმახორციელებელ ჯგუფს უნდა წარმოდგინოს დოკუმენტი, რომლითაც სურსათის ეროვნული სააგენტოს რეგიონული სამმართველოს შესაბამისი სპეციალისტი და ტერიტორიული ერთეულის თვითმმართველობის უფლებამოსილი წარმომადგენლი, წერილობით დაადასტურებენ გაწეული მომსახურების რაოდენობას;
- 5.3. ხელშეკრულების 5.1. და 5.2. პუნქტებით გათვალისწინებული პირობებისა და დოკუმენტების საფუძველზე, მხარეებს შორის გაფორდება მიღება-ჩაბარების აქტი ფაქტიურად გაწეული მომსახურების მოცულობისა და მისი ღირებულების ასახვით;
- 5.4. შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირები არიან ხელშეკრულების პირობების შესრულებაზე კონტროლის განმახორციელებელი ჯგუფის წევრები.

6. ანგარიშსწორების პირობები

- 6.1. მიმწოდებელთან ანგარიშსწორება განხორციელდება ეროვნულ ვალუტაში, ეტაპობრივად, შესაბამისი მიღება ჩაბარების აქტის გაფორმების შემდეგ.
- 6.2. ანგარიშსწორების ფორმა იქნება – უნაღდო, თანხა ჩაირიცხება, ხელშეკრულებაში მითითებულ, „მიმწოდებლის“ საბანკო რეკვიზიტებზე.
- 6.3. ანგარიშსწორება მოხდება 10 სამუშაო დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისათვის მიწოდების თარიღიდან (იმის მიხედვით რომელი უფრო გვიან მოხდება).

7. მხარეთა უფლება-მოვალეობები

- 7.1. „შემსყიდველი“ უფლებამოსილია ნებისმიერ დროს შეამოწმოს „მიმწოდებლის“ მხრიდან ხელშეკრულების პირობების შესრულება;

- 7.2. „შემსყიდველი“ ვალდებულია გადაიხადოს გაწეული მომსახურების ღირებულება ხელშეკრულების პირობებისა და ვადის გათვალისწინებით;
- 7.3. „მიმწოდებელი“ უფლებამოსილია მოთხოვოს შემსყიდველს გაწეული მომსახურების ღირებულების ანაზღაურება ხელშეკრულების პირობებისა და ვადის გათვალისწინებით;
- 7.4. „მიმწოდებელი“ ვალდებულია:
- 7.4.1. მკაცრად დაიცვას შემსყიდველის მიერ მოთხოვნილი ინსექტიციდის ხარჯვის ნორმა ერთ ჰექტარზე;
 - 7.4.2. დაიწყოს ღონისძიებების გატარება (ქიმიური წამლობა) შემსყიდველის შესაბამისი შეტყობინებიდან (სატელეფონო ან სხვა) არაუმეტეს 24 საათის ვადაში;
 - 7.4.3. შეწყვიტოს ღონისძიებები შემსყიდველის მითითებისთანავე;
 - 7.4.4. უზრუნველყოს ქიმურ წამლობასთან დაკავშირებული სამუშაოების შემსრულებლები ინდივიდუალური დაცვის საშუალებებით;
 - 7.4.5. მკაცრად დაიცვას პესტიციდებისა და აგროქიმიკატების შენახვის, ტრანსპორტირების, რეალიზაციისა და გამოყენების საქართველოში მოქმედი წესები;
 - 7.4.6. უზრუნველყოს გამოყენებული ინსექტიციდის ტარის ტრანსპორტირება უკან და დასაწყობება შემსყიდველის მიერ მითითებულ ადგილზე;

8. ხელშეკრულების შესრულების გარანტია

- 8.1. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილია სახელშეკრულებო ღირებულების -----% საბანკო გარანტია -----, რომლის მოქმედების ვადა 30 დღეზე მეტი ხნით აღემატება ხელშეკრულების მოქმედების ვადას.
- 8.2. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი საბანკო გარანტიიდან, მოხდება შემსყიდველის ყველა იმ მოთხოვნის დაკმაყოფილება, რაც გამოწვეული იქნება მიმწოდებლის მხრიდან ხელშეკრულების პირობების დარღვევით.

9. ხელშეკრულების კონტროლი

- 9.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განხორციელებენ შემსყიდველის მხრიდან განსაზღვრული პირ(ებ)ი;
- 9.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციას მისაწოდებელი ან/და მიწოდებული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;
- 9.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.
- 9.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.
- 9.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. გარანტია

მიმწოდებელი იძლევა გარანტიას, რომ მის მიერ გაწეული მომსახურება იქნება ხარისხიანი, საერთაშორისო სტანდარტებთან და ხელშეკრულებით გათვალისწინებულ მოთხოვნებთან სრულ შესაბამისობაში,

წინააღმდეგ შემთხვევაში მიმწოდებელი ვალდებულია საკუთარი სახსრებით გამოასწოროს ყველა ნაკლი და ხარვეზი.

11. პირგასამტეხლო ხელშეკრულების პირობების შეუსრულებლობისაგან

- 11.1. მიმწოდებლის მხრიდან ხელშეკრულების 7.4.2. პუნქტით განსაზღვრული ვადის დარღვევის შემთხვევაში, მას დაეკისრება პირგასამტეხლო დაგვიანებით გაწეული მომსახურების ღირებულების 0.02 % ოდენობით, ყოველ ვადაგადაცილებულ დღეზე;
- 11.2. მიმწოდებლის მხრიდან ხელშეკრულებით ნაკისრი ვალდებულებების არაჯეროვანი შესრულების შემთხვევაში, მას დაეკიდრება პირგასამტეხლო, არაჯეროვნად შესრულებული ვალდებულების ღირებულების 0,02%-ის ოდენობით;
- 11.3. ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების ჯამური ღირებულების 10% ოდენობით;
- 11.4. ხელშეკრულების **6.3.** მუხლით გათვალისწინებული ვადების დარღვევის შემთხვევაში შემსყიდველს დაეკისრება პირგასამტეხლო შესასრულებელი ვალდებულების ღირებულების **0.02%-ის** შესაბამის თანხით ყოველ გადაცილებულ დღეზე.
- 11.5. თუ ხელშეკრულების 11.1. და 11.2. პუნქტებით გათვალისწინებული პირგასამტეხლოების თანხა გადააჭარბებს ხელშეკრულების ჯამური ღირებულების 1%, შემსყიდველ უფლება აქვს ცალხრივად შეწყვიტოს აღნიშნული ხელშეკრულება.
- 11.6. პირგასამტეხლოების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

- 12.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.
- 12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შეწყვეტა

- 13.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

- 13.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;
- 13.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.
- 13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. დაუძლეველი ძალა

- 14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.
- 14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.
- 14.3. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

15. ხელშეკრულების მოქმედების ვადა

ხელშეკრულება ძალაში შედის მისი ხელმოწერის მომენტიდან და მოქმედებს -----

16. სხვა პირობები

- 16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 16.2. ხელშეკრულება შედგენილია ქართულ ენაზე, ელექტრონულად.

შემსყიდველი

მიმწოდებელი